

四庫全書

集部

欽定四庫全書

集部
古詩紀卷二十三
四

詳校官檢討

臣德生

侍讀

臣孫球覆勘

總校官

知縣

臣

楊懋珩

校對官

中書

臣

李斯咏

謄錄監生

臣

朱坦

欽定四庫全書

古詩紀卷二十三

明 馮惟訥 撰

魏第三

陳思王植

字子建太祖子文帝同母弟也建安十六年封平原侯尋徙封臨菑文帝即位命諸

侯並就國黃初二年貶安鄉侯改封鄴城二年立為鄴城王四年徙封雍丘明帝太和元年改封浚

儀三年復還雍丘三年徙東阿六年加封陳王薨年四十一謚曰思○詩品曰植詩源出於國風骨

氣奇高詞彩華茂情兼怨雅體被文質繁溢今古卓爾不羣嗟乎陳思之於文章也譬人倫之有周

孔鱗羽之有龍鳳音樂之有琴笙女工之有黼黻

大定司庫全書

古詩紀

故孔氏之門如有詩則公幹升堂思王
入室景陽潘陸自可坐於廊廡之間矣

樂府

丹霞蔽日行

魏文帝詩曰丹霞蔽日采虹
垂天明帝步出夏門行亦云

紂為昏亂虐殘

一作殘虐

忠正周室何隆一門三聖牧野致

功天亦革命漢祚之興階秦

一作秦階

之衰雖有南面王道

陵夷炎光再幽殄滅無遺

飛龍篇

晨遊泰山雲霧窈窕忽逢二童顏色鮮好乘彼白鹿手
翳芝草我知真人長跪問道西登玉臺金樓複道授我
仙藥神皇所造教我服食還精補腦壽同金石永世難
老

薤露行

樂府解題曰曹植
擬薤露行為天地

天地無窮極陰陽轉相因人居一世間忽若風吹塵願
得展功勤輸力於明君懷此王佐才慷慨獨不羣鱗介

尊神龍走獸宗麒麟蟲獸猶知德何況於士人孔氏刪
詩書王業燦已分騁我徑寸翰流藻垂華芬

惟漢行

魏武帝薤露詩曰惟漢
二十世所任誠不良

太極定二儀清濁始以形三光炤八極天道甚著明為
人立君長欲以遂其生行仁章以瑞變故誠驕盈神高
而聽卑報若響應聲明主敬細微三季魯天經二皇稱
至化盛哉唐虞庭禹湯繼厥德周亦致太平在昔懷帝

京日是不敢寧濟濟在公朝萬載馳其名

君子行

大逸作古辭
子建集亦載

君子防未然不處嫌疑間
瓜田不納履李下不正冠
嫂叔不親授長幼不比肩
勞謙得其柄和光甚獨難
周公下白屋吐哺不及餐
一沐三握髮後世稱聖賢

鰕鰕篇

一曰鰕
鰕篇

樂府解題曰曹植
擬長歌行為鰕鰕

鰕鰕游潢潦不知江海流
燕雀戲藩柴安識鴻鵠遊
世

士此誠明大德固無儔駕言登五嶽然後小陵丘俯觀
上路人勢利惟是謀讐高念皇家遠懷柔九州撫劍而
雷音猛氣縱橫浮汎泊徒嗷嗷誰知壯士憂

吁嗟篇

選詩拾遺作
瑟調飛蓬篇

樂府解題曰曹植擬苦寒行為吁嗟魏志曰植每
欲求別見獨談及時政幸異試用終不能得時法
制待藩國峻迫植十一年
而三徙都常汲汲無歡

吁嗟此轉蓬居世何獨然長土本根逝宿夜無休閒東
西經七陌南北越九阡卒遇回風起吹我入雲間自謂

終天路忽然下沈泉

一作淵

驚飈接我出故歸彼中田當

南而更北謂東而反西宕宕當何依忽亡而復存飄飄

周八澤連翩歷五山流轉無恒處誰知吾苦艱願為中

林草秋隨野火燔糜滅豈不痛願與根

一作株

荻連

豫章行二首

樂府解題曰曹植
擬豫章行為窮達

窮達難豫圖禍福信亦然虞舜不逢堯耕耘處中田太

公未遭文漁釣終

一作經

渭川不見魯孔邱窮困陳蔡間

周公下白屋天下稱其賢

鴛鴦自朋親何用比翼連他人雖同盟骨肉天性然周
公穆康叔管蔡則流言子臧讓千乘季札慕其賢

蒲生行浮萍篇

浮萍寄清水隨風東西流結髮辭嚴親來為君子仇恪
勤在朝夕無端獲罪尤在昔蒙恩惠和樂如瑟琴何意
今推顏曠若商與參茱萸自有芳不若桂與蘭新人雖
可愛無若故所懽行雲有反期君恩儻中還慊慊仰天

歎愁心將何想日月不恒處人生忽若寓悲風來入懷

一作帷

淚下如垂露發篴造裳

一作新

衣裁縫紉與素

篴篴引

樂府作野田黃雀行

古今樂錄曰王僧虔技錄有野田黃雀行今不歌
樂府解題曰晉樂奏東阿王置酒高殿上然篴篴

引亦用此曲

置酒高殿上親友

宋書作交

從我遊中厨辦豐膳烹羊宰肥

牛秦箏何慷慨楚瑟和且柔陽阿奏奇舞京洛出名謳

樂飲過三爵緩帶傾庶羞主稱千金壽賓奉萬年酬久

要不可忘薄終義所尤謙謙君子德馨折欲何求驚風
飄白日光景馳西流盛時不可再百年忽我道生存華
屋處零落歸山丘先民誰不死知命復何憂

右一曲晉
樂所奏分

四
解

野田黃雀行

高樹多悲風海水揚其波利劍不在掌結友何須多不
見籬間雀見鷁自投羅羅家得雀喜少年見雀悲拔劍
捎羅網黃雀得飛飛飛飛摩蒼天來下謝少年

門有萬里客

門有萬里客問君何鄉人
褰裳起從之果得心所親
挽裳對我泣太息前自陳
本是朔方士今為吳越民
行行將復行去去適西秦

泰山梁甫行

樂府解題曰曹植改
泰山梁父為八方

八方各異氣千里殊風雨
劇哉邊海民寄身於草墅
妻孥象禽獸行止依林阻
柴門何蕭條狐兔翔我宇

怨詩行

明月照高樓流光正徘徊上有愁思婦悲歎有餘哀

解一

借問歎者誰自云宕子妻夫行踰十載賤妾常獨棲

解二

念君過於渴思君剗於饑君作高山柏

一作桐

妾為濁水

泥

解三

北風行蕭蕭烈烈入吾耳心中念故人淚墮不能

止

解四

浮沈各異路會合當何計願作東北風吹我入君

懷

解五

君懷常不開賤妾當何依恩情中道絕流止任東

西

解六

我欲竟此曲此曲悲且長今日樂相樂別後莫相

忘

七解 右一曲晉樂所奏七哀詩是此篇本辭

怨歌行

為君既不易為臣良獨難忠信事不顯乃有

又音

見疑患

周公佐成王金縢功不刊推心輔王室二叔反流言待
罪居東國泣涕常流連皇靈大動變震雷風且寒拔樹
偃秋稼天威不可干素服開金縢感悟求其端公旦事
既顯成王乃哀歎吾欲竟此曲此曲悲且長今日樂相
樂別後莫相忘

輦舞歌五首

本集不載見
樂府詩集

序曰漢靈帝西園鼓吹有李堅者能鞞舞遭亂西隨
段熲先帝聞其舊有技召之堅既中廢兼古曲多謬

誤故改作新歌五篇

古詩樂錄曰漢曲五篇一曰闕
東有賢女二曰章和二年中三

曰樂久長四曰四方皇五曰殿前生桂樹竝章帝造
魏曲五篇一明明魏皇帝二太和有聖帝三魏歷長
四天生蒸民五為君既不易竝明帝造以代漢曲其
辭竝亡陳思王又有五篇一聖皇篇以當章和二
中二靈芝篇以當殿前生桂樹三大魏篇以當漢吉
昌四精微篇以當闕中有賢女五孟冬篇以當狡兔
按漢曲無漢吉昌狡兔二
篇疑樂久長四方皇是也

聖皇篇

聖皇應歷數正康帝道休九州咸賓服威德洞八幽三公奏諸公不得久淹留蕃位任至重舊章咸率由侍臣省文奏陛下體仁慈沈吟有愛戀不忍聽可之迫有官典憲不得顧恩私諸王當就國璽綬何累縵便時舍外殿宮省寂無人主上增顧念皇母懷苦辛何以為贈賜傾府竭寶珍文錢百億萬采帛若煙雲乘輿服御物錦羅與金銀龍旂垂九旒羽蓋參班輪諸王自計念無功

荷厚德思一効筋力糜軀以報國鴻臚擁節衛副使隨
經營貴戚竝出送夾道交輜輶車服齊整設鞞曄耀天
精武騎衛前後鼓吹簫笳聲祖道魏東門淚下沾冠纓
扳蓋因內顧俛仰慕同行行將日暮何時還闕庭車
輪為徘徊四馬躊躇鳴路人尚酸鼻何況骨肉情

靈芝篇

靈芝生王地朱草被洛濱榮華相晃耀光采曄若神古
時有虞舜父母頑且嚚盡孝於田壠烝烝不違仁伯瑜

年七十綵衣以娛親慈母笞不痛歔歔涕霑巾丁蘭少
失母自傷早孤乳刻木當嚴親朝夕致三牲暴子見陵
侮犯罪以亡形丈人為泣血免戾全其名董永遭家貧
父老財無遺舉假以供養傭作致甘肥責家填門至不
知何用歸天靈感至德神女為秉機歲月不安居嗚呼
我皇考生我既已晚棄我何其早蓼莪誰所興念之令
人老退詠南風詩灑淚滿襟抱亂曰聖皇君四海德教
朝夕宣萬國咸禮讓百姓家肅虔庠序不失儀孝悌處

中田戶有曾閔子比屋皆仁賢髻鬢無天齒黃髮盡其
年陛下三萬歲慈母亦復然

大魏篇

大魏應靈符天祿方甫始聖德致泰和神明為驅使左
右宜供養中殿宜皇子陛下長壽考羣臣拜賀咸悅喜
積善有餘慶寵祿固天常衆喜填門至臣子蒙福祥無
患及陽遂輔翼我聖皇衆吉咸集會凶邪姦惡竝滅亡
黃鵠遊殿前神鼎周四阿玉馬克乘輿芝蓋樹九華白

虎戲西除舍利從辟邪
騏驎躡足舞鳳皇拊翼歌豐年
大置酒玉樽列廣庭樂飲過三爵
朱顏暴已形式宴不違禮君臣歌
鹿鳴樂人舞鼙鼓百官雷拊讚若驚
儲禮如江海積善若陵山
皇嗣繁且熾孫子列曾玄羣臣咸
稱萬歲陛下長壽樂年御酒停未飲
貴戚跪東廂侍人承顏色奉進金玉觴
此酒亦真酒福祿當聖皇陛下臨軒笑
左右咸歡康杯來一何遲羣僚以次行
賞賜累千億百官竝富昌

精微篇

精微爛金石至心動神明杞妻哭死夫梁山為之傾子
丹西質秦烏白馬角生鄒衍囚燕市繁霜為夏零關東
有賢女自字蘇來卿壯年報父仇身沒垂功名女休逢
赦書白刃幾在頸俱上列仙籍去死獨就生大倉令有
罪遠徵當就拘自悲居無男禍至無與俱緹縈痛父言
荷擔西上書盤桓北闕下泣淚何漣如乞得并姊弟沒
身贖父軀漢文感其義肉刑法用除其父得以免辯義

在列圖多男亦何為一女足成居簡子南渡河津吏廢
舟船執法將加刑女娟擁擢前妾父聞君來將涉不測
淵畏懼風波起禱祝祭名川備禮饗神祇為君求福先
不勝醕祀誠至令犯罰艱君必欲加誅乞使知罪讐妾
願以身代至誠感蒼天國君高其義其父用赦原河激
奏中流簡子知其賢歸聘為夫人榮寵超後先辯女解
父命何況健少年黃初發和氣明堂德教施治道致太
平禮樂風俗移刑措民無枉怨女復何為聖皇長壽考

景福常來儀

孟冬篇

孟冬十月陰氣厲清武官誠田講旅統兵元龜襲吉元
光著明蚩尤蹕路風弭雨停乘輿啓行鸞鳴幽軋虎賁
采騎飛象珥鶚鐘鼓鏗鏘簫管嘈喝萬騎齊鑣千乘等
蓋夷山填谷平林滌藪張羅萬里盡其飛走趯趯狡兔
揚白跳翰獵以青骹掩以脩竿韓盧宋鵲呈才騁足噬
不盡縹牽麋倚鹿魏氏發機養基撫弦都盧尋高搜索

猴援慶忌孟賁蹈谷超巒張目決昔髮怒穿冠頓熊扼
虎蹴豹搏軀氣有餘勢負象而趨獲車既盈日側樂終
罷後解徒大饗離宮亂曰聖皇臨飛軒論功校獵徒死
禽積如京流血成溝渠明詔大勞賜大官供有無走馬
行酒醴驅車布肉魚鳴鼓舉觴爵擊鍾醕無餘絕網一作
網縱麟麇弛罩出鳳雛收功在羽校威靈振鬼區陛下
長懽樂永世合天符

當欲游南山行

東海廣且深由卑下百川五嶽雖高大不逆垢與塵良
木不十圍洪條無所因長者能博愛天下寄其身大匠
無棄材船車用不均錐刀各異能何所獨卻前嘉善而
矜愚大聖亦同然仁者各壽考四坐咸萬年

名都篇

歌錄曰名都美女白馬竝
齊瑟行也皆以首句名篇

名都多妖女京洛出少年寶劍直千金被服麗且鮮關
雞東郊道走馬長楸間馳騁未能半雙兔過我前攬弓

捷鳴鏑長驅上南山左挽因右發一縱兩禽連餘巧未
及展仰首接飛鳶觀者咸稱善衆工歸我妍歸來宴平
樂美酒斗十千膾鯁胎鰕炮鼈炙熊蹯鳴儔嘯匹侶
列坐竟長筵連翩擊鞠壤巧捷惟萬端白日西南馳光
景不可攀雲散還城邑清晨來復還

美女篇

美女妖且閒採桑岐路間柔條紛冉冉落葉何翩翩攘
袖見素手皓腕約金環頭上金爵釵腰佩翠琅玕明珠

交玉體珊瑚間木難羅衣何飄飄輕車隨風還顧盼遺
光彩長笑氣若蘭行徒用息駕休者以忘餐借問女安
居乃在城南端青樓臨大路高門結重關容華耀朝日
誰不希令顏媒氏何所營玉帛不時安佳人慕高義求
賢良獨難衆人徒嗷嗷安知彼所觀盛年處房室中夜
起長歎

白馬篇

白馬飾金羈連翩西北馳借問誰家子幽并游俠兒少

小去鄉邑揚聲沙漠垂宿昔秉良弓楛矢何參差控弦
破左的右發摧月支仰手接飛猱俯身散馬蹄狡捷過
猴猿勇剽若豹螭邊城多警急胡虜一作虜騎數遷移羽檄
從北來厲馬登高隄長驅蹈匈奴左顧陵鮮卑棄身鋒
刃端性命安可懷父母且不顧何言子與妻名編五臣作在
壯士籍不得中顧私捐軀赴國難視死忽如歸

升天行二首

乘蹻追術士遠之蓬萊山靈液飛素波蘭桂上參天玄

豹游其下翔鵷戲其巔乘風忽登舉彷彿見衆仙
扶桑之所出乃在朝陽谿中心陵蒼昊布葉盖天涯日
出登東幹既夕沒西枝願得紆陽轡迴日使東馳

五遊篇

九州不足步願得凌雲翔逍遙八紘外游目歷遐荒披
我丹霞衣襲我素霓裳華盖紛掩藹六龍仰天驤曜靈
未移景倏忽造昊蒼閭闔啓丹扉雙闕曜珠光徘徊文
昌殿登陟太微堂上帝休西櫺羣后集東廂帶我瓊瑤

佩漱我沆瀣漿踟躕玩靈芝徙倚弄華芳王子奉仙藥
羨門進奇方服食享遐紀延壽保無疆

遠遊篇

遠遊臨四海俯仰觀洪波大魚若曲陵承浪相經過靈
鼇戴方丈神嶽儼嵯峨仙人翔其隅玉女戲其阿瓊蕊
可療饑仰首吸朝霞崑崙本吾宅中州非我家將歸謁
東父一舉超流沙鼓翼舞時風長嘯激清歌金石固易
敝日月同光華齊年與天地萬乘安足多

仙人篇

仙人攬六著對博太山隅湘娥拊琴瑟秦女吹笙竽玉
樽盈桂酒河伯獻神魚四海一何局九州安所如韓終
與王喬要我於天衢萬里不足步輕舉凌太虛飛騰踰
景雲高風吹我軀迴駕觀紫微與帝合靈符閭闔自嵯
峨雙闕萬丈餘玉樹扶道生白虎夾門樞驅風游四海
東過王母廬俯觀五嶽間人生如寄居潛光養羽翼進
趨且徐徐不見軒轅氏乘一作龍出鼎湖徘徊九天上

與爾長相湏

鬪雞篇

遊目極妙伎清聽厭宮商主人寂無為衆賓進樂方長

筵坐戲客關雞閒觀

樂府作
觀閒

房羣雄正翕赫雙翅自飛

揚揮羽激

樂府
作邀

清風博

樂府
作悍

日發朱光背落輕毛散嚴

距往往傷長鳴入青雲扇翼獨翱翔願蒙狸膏助常得

擅此場

盤石篇

盤盤山巔石飄飄澗底蓬我本太山人何為客淮東兼
葭彌斥土木無分重圻巖苦崩缺湖水何洶洶蚌蛤
被濱涯光彩如錦虹高彼凌雲霄浮氣象螭龍鯨脊若
丘陵鬚若山上松呼吸吞船櫓澎湃戲中鴻方舟尋高
價珍寶麗以通一舉必千里東颶舉帆幢經危履險阻
未知命所鍾常恐沈黃壚下與龜鼈同南極蒼梧野游
盼窮九江中夜指參辰欲師當定從仰天長太息思想
懷故邦乘桴何所志吁嗟一作我孔公

嗟歎

驅車篇

驅車揮

一作揮

駕馬東到奉高城神哉彼泰山五嶽專其

名隆高貫雲霓嵯峨出太清周流二六堠間置十二亭
上有湧醴泉玉石揚華英東北望吳野西眺觀日精魂
神所繫屬逝者感斯征王者以歸天效厥元功成歷代
無不遵禮記有品程探策或長短唯德享利貞封者七
十帝軒皇元獨靈餐霞漱沆瀣毛羽被身形發舉蹈虛
廓徑庭升窈冥同壽東父年曠代永長生

種葛篇

種葛南山下葛藟自成陰與君初婚時結髮恩義深
惟愛在枕席宿昔同衣衾竊慕棠棣篇好樂和瑟琴行年
將晚暮佳人懷異心恩紀曠不接我情遂抑沈出門當
何顧徘徊步北林下有交頸獸仰見雙棲禽攀枝長歎
息淚下沾羅襟良馬知我悲延頸代我吟昔為同池魚
今為玉臺作若商與參往古皆歡遇我獨困於今棄置委天
命悠悠安可任

棄婦篇

本集不載見
玉臺新詠

石榴植前庭綠葉搖縹青丹華灼烈烈瑣彩有光榮
光榮眩流離可以處淑靈有鳥飛來集拊翼以悲鳴悲鳴
夫何為丹華實不成拊心長歎息無子當歸寧有子月
經天無子若流星天月相終始流星沒無精棲遲失所
宜下與瓦石并憂懷從中來歎息通難鳴反側不能寐
逍遙於前庭踟躕還入房肅肅帷幕聲寒帷更攝帶撫
絃彈鳴箏慷慨有餘音要妙悲且清收淚長歎息何以

負神靈招待霜露何必春夏成晚獲為良實願君且
安寧

妾薄命二首

攜玉手喜同車北上雲閣飛除釣臺蹇產清虛池塘觀

靈一作沼可娛仰泛龍舟綠波俯擢神草枝柯想彼宓妃

洛河退詠漢女湘娥

日月既逝藝文作日既逝矣西藏更會蘭室洞房華燈步障舒

光玉臺作花燭皎若日出扶桑促搏合坐行觴主人起
步障輝煌

舞盜盤能者穴觸別端騰觚飛爵闌干同量等色齊顏
任意交屬所歡朱顏發外形蘭袖隨禮容極情妙舞僊
僊體輕裳解履遺絕纓俛仰笑喧無呈覽持佳人玉顏
齊舉玉臺作接金爵翠盤手形羅袖良難腕弱不勝珠環坐
者歎息舒顏御巾裏粉君傍中有霍納都梁雞舌五味
雜香進者何人齊姜恩重愛深難忘召延親好宴私但
歌杯來何遲客賦既醉言歸主人稱露未晞

平陵東

以下
雜言

閭闔開天衢通被我羽衣乘飛龍乘飛龍與仙期東上
蓬萊採靈芝靈芝採之可服食年若一作與王父無終極

當來日大難

樂府解題曰曹植擬
善哉行為日苦短

日苦短樂有餘乃置玉樽辦東厨廣情故心相於闔門
置酒和樂欣欣遊馬後來轅車解輪今日同堂出門異
鄉別易會難各盡杯觴

桂之樹行

桂之樹桂之樹桂生一何麗佳揚朱華而翠葉流芳布
天涯上有棲鸞下有盤螭桂之樹得道之真人咸來會
講仙教爾服食日精要道甚省不煩淡泊無為自然乘
蹻萬里之外去留隨意所欲存高高上際於衆外下下
乃窮極地天

當牆欲高行

龍欲升天須浮雲人之仕進待中人衆口可以鑠金讒
言三至慈母不親憤憤俗間不辯偽真願欲披心自說

陳君門以九重道遠河無津

當事君行

人生有所貴尚出門各異情朱紫更相奪色雅鄭異音

聲好惡隨所愛憎追舉逐聲

樂府作虛

名百心可事一君巧

詐寧拙誠

當車以駕行

歡坐玉殿會諸貴客侍者行觴主人離席顧視東西廂

絲竹與鞞鐸不醉無歸來明燈以繼夕

苦思行

綠蘿緣玉樹光耀粲相輝下有兩真人舉翅翻高飛我
心何踴躍思欲攀雲追鬱鬱西嶽巔石室青葱與天連
中有耆年一隱士鬚髮皆皓然策杖從我遊教我要忘
言

古詩紀卷二十三

欽定四庫全書

古詩紀卷二十四

明 馮惟訥 撰

魏第四

陳思王植

詩

上責躬詩

魏志曰黃初四年植朝
京都上疏并獻詩二首

於穆顯考時惟武皇受命于天寧濟四方朱旗所拂九

土披攘玄化滂流荒服來王超商越周與唐比蹤篤生
我皇奕世載聰武則肅烈文則時雍受禪于

魏志
作炎

漢君

臨萬邦萬邦既化率由舊則廣命懿親以藩王國帝曰

爾侯君茲青土奄有海濱方周于魯車服有輝旗章有

叙濟濟雋乂我弼我輔伊予小子恃寵驕盈舉挂時網

動亂國經作藩作屏先軌是隳傲我皇使犯我朝儀國

有典刑我削我紕

集作
黜

將寘于理元兇是率明明天子

時惟篤類

一作時
篤同類

不忍我刑暴之朝肆違彼執憲哀予

小臣一作子改封寬邑于河之濱股肱弗置有君無臣荒

淫之闕誰弼予身訖訖僕夫于彼冀方嗟予小子乃罹

斯殃赫赫天子恩不遺物冠我玄冕要我朱紱光光大

一作天使我榮我華剖符授玉一作冊王爵是加仰齒金璽

俯執聖策皇恩過隆祇承怵惕咨我小人頑兇是嬰逝

慙陵墓存愧闕庭匪敢傲德實恩是恃威靈改加足以

沒齒昊天罔極生魏志作性命不圖常懼顛沛抱罪黃墟願

蒙矢石建旗東嶽庶立毫釐微功自贖危軀授命知足

免戾甘赴江湘奮戈吳越天啓其衷得會京畿遲奉聖
顏如渴如饑心之云慕愴矣其悲天高聽卑皇肯照微

應詔詩

肅承明詔應會皇都星陳夙駕秣馬脂車命彼掌徒肅
我征旅朝發鸞臺夕宿蘭渚芒芒原隰祁祁士女經彼
公田樂我稷黍爰有樛木重陰匪息雖有饑糧饑不遑
食望城不過面邑不游僕夫警策平路是由玄駟藹藹
揚鑣漂沫流風翼衡輕雲承蓋涉澗之濱緣山之隈遵

彼河澣黃坂是階西躋闕谷或降或升駢驂倦路載寢
載興將朝聖皇匪敢晏寧弭節長驚指日遄征前驅舉
燧後乘抗旌輪不輟運鑾無廢聲爰暨帝室稅此西墉
嘉詔未賜朝覲莫從仰瞻城闕俯惟闕庭長懷永慕憂
心如醒

朔風詩

五章

仰彼朔風用懷魏都願騁代馬倏忽北徂凱風永至思
彼蠻方願隨越鳥翻飛南翔

四氣代謝懸景運周別如俯仰脫若三秋昔我初遷朱
華未晞今我旋止素雪云飛

俯降千仞仰登天阻風飄蓬飛載離寒暑千仞易陟天
阻可越昔我同袍今永乖別

子好芳草豈忘爾貽繁華將茂秋霜悴之君不垂眷豈
云其誠秋蘭可喻桂樹冬榮

絃歌蕩思誰與銷憂臨川慕思何為去聲泛舟豈無和樂

游非我隣誰忘泛舟愧無榜

音進又人音謗

矯志詩

芝桂雖芳

今本作芳
樹雖香

難以餌烹尸位素餐難以成名磁

石引鐵於金不連大朝舉士愚不聞焉抱壁塗乞無為

貴寶履仁遭禍無為貴道駕雛遠害不羞卑棲靈虬避

難不耻污泥都蔗雖甘杖之必折巧言雖美用之必滅

濟濟唐朝萬邦作孚

闕

逢蒙雖巧必得良弓聖

藝文
作賢

主

雖知必得

藝文
作亦待

英雄螳螂見歎齊士輕戰越王軾蛙

國以死獻道遠知驥世偽知賢覆之幬之順天之矩澤

如凱風惠如時雨口為禁闥舌為發機門機之闥枯矢
不追

元會詩

晉禮志漢儀有正會禮正旦受賀公侯以下執贄
來庭二千石以上升殿稱萬歲後作樂燕饗魏帝都
鄴正會文昌
殿用漢儀

初歲元祚吉日惟良乃為嘉會宴此高堂衣裳鮮潔黼
黻玄黃珍膳雜選克溢圓方俯視文軒仰瞻華梁願保
茲善一作喜千載為常歡笑盡娛樂哉未央皇室一作家榮

貴壽考無疆

閨情

有美一人被服纖羅妖姿艷麗翁若春華紅顏鮮暎雲
髻嵯峨彈琴撫節為我絃歌清濁齊均既亮且和取樂
今日遑恤其他

公宴詩

公子敬愛客終宴不知疲清夜遊西園飛蓋相追隨明
月澄清影列宿正參差秋蘭被長坂朱華冒綠池潛魚

躍清波好鳥鳴高枝神飈接丹轂輕輦隨風移飄飄放
志意千里長若斯

侍太子坐

白日曜青春時雨靜飛塵寒冰辟炎景

一作
氣

涼風吹我

身清醴盈金觴餚饌縱橫陳齊人進奇

一作
嘉

樂歌者出

西秦翩翩我公子機巧忽若神

贈徐幹

驚風飄白日忽然歸西山圓景光未滿衆星燦以繁志

士營世業小人亦不閒聊且夜行游游彼雙闕間文昌
鬱雲興迎風高中天春鳩鳴飛棟流焱激樞軒顧念蓬
室士貧賤誠足憐薇藿弗克虛皮褐猶不全慷慨有悲
心興文自成篇實棄怨何人和氏有其愆彈冠俟知己
知己誰不然良田無晚歲膏澤多豐年亮懷璫璵美積
久德愈宣親交義在敦申章復何言

贈丁儀

集云與都亭侯丁翼今云儀誤也
魏略曰丁儀字正禮太祖辟為掾

初秋涼氣發庭樹微銷落凝霜依玉除清風飄飛閣朝
雲不歸山霖雨成川澤黍稷委疇隴農夫安所獲在貴
多忌賤為恩誰能博狐白足禦冬焉念無衣客思慕延
陵子寶劍非所惜子其寧爾心親交義不薄

贈王粲

端坐苦愁思攬衣起西游樹木發春華清池激長流中
有孤鴛鴦哀鳴求匹儔我願執此鳥惜哉無輕舟欲歸
忘故道顧望但懷愁悲風鳴我側義和逝不留重陰潤

萬物何懼澤不周誰令君多念自使懷百憂

又贈丁儀王粲

從軍度函谷驅馬過西京山岑高無極涇渭揚濁清壯
哉帝王居佳麗殊百城負闕出浮雲承露曄泰清皇佐
揚天惠四海無交兵權家雖愛勝全國為令名君子在
末位不能歌德聲丁生怨在朝王子歡自營歡怨非真
則中和誠可經

贈丁翼

文士傳曰翼字敬禮儀
之弟也為黃門侍郎

嘉賓填城闕豐膳出中厨吾與二三子曲宴此城隅秦
箏發西氣齊瑟揚東謳肴來不虛歸觴至反無餘我豈
狎異人朋友與我俱大國多良材譬海出明珠君子義
休倚小人德無儲積善有餘慶榮枯立可湏滔蕩固大
節時俗多所拘君子通大道無願為世儒

贈白馬王彪

七章

序曰黃初四年正月白馬王任城王與余俱朝京師

會節氣到洛陽任城王薨至七月與白馬王還國後
有司以二王歸蕃道路宜異宿止意毒恨之盖以大

別在數日是用自剖與王辭馬憤而成篇

魏志曰楚王彪字朱

虎武帝子也初封白馬王
後徙封楚集曰於園城作

謁帝承明廬逝將歸舊疆清晨發皇邑日夕過首陽伊

洛廣

一作曠

且深欲濟川無梁汎舟越洪濤怨彼東路長

顧瞻戀城闕引領情內傷

太谷何寥廓山樹鬱蒼蒼霖雨泥我塗流潦浩縱橫中

達絕無軌改轍登高岡修坂造雲日我馬玄以黃

玄黃猶能進我思鬱以紆鬱紆將何念

今本作難進

親愛在

離居本圖相與偕中更不克俱鳴臯鳴衡軛豺狼當路

衢蒼蠅間白黑讒巧反

今本作令

親疎欲還絕無蹊攬轡止

踟躕

踟躕亦何留相思無終極秋風發微涼寒蟬鳴我側原

野何蕭條白日忽西匿歸鳥赴喬林翩翩厲羽翼孤獸

走索羣街草不遑食感物傷我懷撫心長太

魏志作歎息

太息將何為天命與我違奈何念同生一往形不歸孤
魂翔故域靈樞寄京師存者忽復一作已過亡沒身自衰

人生處一世去若朝露晞年在桑榆間影響不能追自

顧非金石咄咄

志作咄

令心悲

心悲動我神棄置莫復陳丈夫志四海萬里猶比隣恩
愛苟不虧在遠分日親何必同衾幃然後展殷勤憂思
成疾疢無乃兒女仁倉卒骨肉情能不懷苦辛

苦辛何慮思天命信可疑虛無求列仙松子久吾欺變

故在斯須百年誰能持離別永無會執手將何時王其
愛玉體俱享黃髮期收淚即長路志作塗援筆從此辭

送應氏詩二首

步登北邙阪遙望洛陽山洛陽何寂寞宮室盡燒焚垣
牆皆頓擗荆棘上參天不見舊耆老但覩新少年側足
無行徑荒疇不復田游子久不歸不識陌與阡中野何
蕭條千里無人煙念我平常居一作平生親氣結不能言

清時難屢得嘉會不可常天地無終極人命若朝霜願

得展嫵婉我友之朔方親昵竝集送置酒此河陽中饋
豈獨薄賓飲不盡觴愛至望苦深豈不愧中腸山川阻
且遠別促會日長願為比翼鳥施翮起高翔

三良詩

功名不可為忠義我所安秦穆先下世三臣皆自殘生
時等榮樂既沒同憂患誰言捐軀易殺身誠獨難攬涕
登君墓臨穴仰天歎長夜何冥冥一往不復還黃鳥為
悲鳴哀哉傷肺肝

遊仙詩

人生不滿百戚戚

一作歲歲

少歡娛意欲奮六駟排霧凌紫

虛蟬脫同松喬翻跡登鼎湖翱翔九天上騁轡遠行遊

東觀扶桑曜西臨弱水流北極玄天

一作登玄

渚南翔陟丹

丘

雜詩七首

高臺多悲風朝日照北林之子在萬里江湖迥且深方
舟安可極離思故難任孤鴈飛南游過庭長哀吟翹思

慕遠人願欲托遺音形影忽不見翩翩傷我心

轉蓬離本根飄飄隨長風何意迴飈舉吹我入雲中高

高上無極天路安可窮類此游客

一作流宕

子捐軀遠從戎

毛褐不掩形薇藿常不亢去去莫復道沈憂令人老

西北有織婦綺縞何繽紛明晨秉機杼日昃不成文太

息終長夜悲嘯入青雲妾身守空閨良人行從軍自期

三年歸今已歷九春飛

玉臺作孤

鳥遶樹翔噉噉鳴索羣願

為南流景馳光見我君

南國有佳人容華若桃李朝游江北岸夕宿瀟湘沚時

俗薄朱顏誰為發皓齒俛

一作俯

仰歲將暮榮耀難久恃

僕夫早嚴駕吾將遠行游遠游欲何之吳國為我仇將
騁萬里途東路安足由江介多悲風淮泗馳急流願欲
一輕濟惜哉無方舟閒居非吾志甘心赴國憂

飛觀百餘尺臨牖御櫺軒遠望周千里朝日見平原烈
士多悲心小人媮自閒國讎亮不塞甘心思喪元拊劍
西南望思欲赴太山絃急悲聲發聆我慷慨言

攬衣出中閨逍遙步兩楹間房何寂寞綠草被堦庭空

室

一作穴

自生風百鳥翩南征春思安可忘憂戚與我并

佳人在遠道妾身單且乳歡會難再遇芝蘭不重榮人

皆棄舊愛君豈若平生寄松為女蘿依水如浮萍齋身

奉衿帶朝夕不墮傾儻終顧盼恩

一作儻能終顧盼

永副我中

情

七哀詩

玉臺作雜詩樂府作怨歌行本辭

明月照高樓流光正徘徊上有愁思婦悲歎有餘哀借

問歎者誰言是蕩子妻君行踰十年孤妾常獨棲君若
清路塵妾若濁水泥浮沈各異勢會合何時諧願為西
南風長逝入君懷君懷良不開賤妾當何依

情詩

玉臺作
雜詩

微陰翳陽景清風飄我衣遊魚潛綠水翔鳥薄天飛眇
眇客行士遙役不得歸始出嚴霜結今來白露晞遊子
歎黍離處者歌式微慷慨對嘉賓悽愴內傷悲

喜雨詩

天覆何彌廣苞育此羣生棄之必憔悴惠之則滋榮慶
雲從北來鬱述西南征時雨中夜降長雷周我庭嘉種
盈膏壤登秋畢有成

失題

見藝文
鶴部

雙鶴俱遨遊相失東海傍雄飛竄北朔雌驚赴南湘棄
我交頸歡離別各異方不惜萬里道但恐天網張

七步詩

本集
不載

世說新語曰文帝嘗令東阿王七步中作詩
不成者行大法應聲便為詩云云帝有慙色

煮豆持作羹漉豉以為汁箕在釜下然豆在釜中泣本

是同根生相煎何太急

一作煮豆燃豆箕豆在釜中泣本是同根生相煎何太急

離友詩二首

井序

鄉人有夏侯威者少有成人之風余尚其為人與之
昵好王師振旅送余於魏邦心有眷然為之隕涕乃
作離友之詩其辭曰

王旅遊兮背故鄉彼君子兮篤人綱
媵余行兮歸朔方
馳原隰兮尋舊疆車一作我車載奔兮馬繁驤
涉浮濟兮泛

輕航迄魏都兮息蘭房展宴好兮惟樂康

涼風蕭兮白露滋木感氣兮條葉辭臨淥水兮登重基

折秋華兮采靈芝尋永歸兮贈所思感離隔兮會無期

伊鬱悵兮情不怡

本集止載前一首今考藝文附入初學記載二句云日匿景兮天微陰

經迥路兮造北林
當別有一首也

闕文

妬詩

嗟爾同衾曾不是志寧彼冶容安此妬忌

髑髏詩

牢落冥冥與道相駢隱然長寢其樂無踰

艷歌

出自薊北門遙望胡池桑枝枝自相值葉葉自相當

樂府

墨出青松煙筆出狡兔翰古人感鳥跡文字有改判

芙蓉池


逍遙芙蓉池翩翩戲輕舟南楊棲雙鵲北柳有鳴鳩

言志

慶雲未時興雲龍潛作魚神鸞失其儔還從燕雀居

雜詩

悠悠遠行客去家千餘里出亦無所之入亦無所止浮
雲翳日光悲風動地起



古詩紀卷二十四

欽定四庫全書

集部

古詩紀卷二十五至
九

詳校官檢討臣德生

侍讀臣孫球覆勘

總校官知縣臣楊懋珩

校對官中書臣李斯咏

謄錄監生臣朱坦

欽定四庫全書

古詩紀卷二十五

明 馮惟訥 撰

魏第五

王粲

字仲宣山陽高平人有異才漢獻帝西遷因徙居長安後之荊州依劉表表卒曹操辟為丞相

掾賜爵關內侯拜侍中建安二十二年卒○詩品曰粲詩其源出於李陵發愀愴之詞文秀而質羸

在曹劉間別構一體方陳思不足比魏文有餘

樂府

太廟頌

建安十八年曹操為魏公加九錫始立宗廟令祭
作此頌以享其先始名曰顯廟頌後人更今名

思皇烈祖時邁其德肇啓洪源貽燕我則我休厥成聿
先厥道丕顯丕欽允時祖考

綏庶邦和四宇九功備彝樂序建崇牙設璧羽六佾奏
八音舉昭大孝衍妣祖念武功收純祐

於穆清廟翼翼休徵祁祁髦士厥德允升懷想成位咸
聿在宮無思不若允觀厥崇

俞兒舞歌四首

晉書樂志曰巴渝舞漢高帝所作也高帝自蜀漢
將定三秦閬中范因率賁人從帝為前鋒及定秦
中封因為閬中侯其俗善歌舞高帝樂其猛銳數
觀其舞曰武王伐紂歌也後使樂人習之閬中有
渝水因其所居故曰巴渝舞舞曲有矛渝弩渝安
臺行辭宋書樂志曰魏渝兒舞歌四篇魏國初建
所用使王粲改創其辭為矛俞弩俞安臺行辭
新福歌曲行辭以述魏德後於太祖廟竝歌之

矛俞新福歌

漢初建國家匡九州蠻荆震服五刃三革休安不忘備
武樂脩宴我賓師敬用御天永樂無憂子孫受百福常
與松喬遊烝庶德莫不咸歡柔

弩俞新福歌

材官選士劒弩錯陳應桴蹈節俯仰若神綏我武烈篤
我淳仁自東自西莫不來賓

安臺新福歌

武宋書作我功既定庶士咸綏樂陳我廣庭式宴賓與師昭

文德宣武威平九有撫民黎荷天寵延壽尸千載莫我
違

行辭新福歌

神武用師士素厲仁恩廣覆猛節橫迹自古立功莫我
弘大桓桓征四國爰及海裔漢國保長慶垂祚延萬世

詩

贈蔡子篤詩

蔡睦字子篤為尚書仲宣與之同
避難荆州子篤還仲宣作此贈之

翼翼飛鸞載飛載東我友云徂言戾舊邦舫舟翩翩以
沂大江蔚矣荒塗時行靡通慨我懷慕君子所同悠悠
世路亂離多阻濟岱江行邈焉異處風流雲散一別如

雨人生實難願其弗與瞻望遐路允企伊佇烈烈冬日
肅肅淒風潛鱗在淵歸鴈在軒苟非鴻鵬孰能飛翻雖
則追慕子思固宣瞻望東路慘愴增歎率彼江流爰逝
靡期君子信誓不遷于時及子同寮生死固之何以贈
行言授斯詩中心孔悼涕淚漣漣嗟爾君子如何勿思

贈士孫文始

三輔決錄注曰士孫萌字文始少有才學年十五
能屬文初董卓之誅也萌父瑞知王允必敗京師
不可居乃命萌將家屬至荊州依劉表去無幾果
為李傕等所殺及天子都許昌追論誅董卓之功

封萌為澹津亭侯與山陽王粲

善萌當就國粲作詩以贈萌

天降喪亂靡國不夷我暨我友自彼京師宗守盪失越
用遁違遷于荆楚在漳之湄在漳之湄亦克晏處和通
簣塤比德車輔既度禮義卒獲笑語庶茲永日無讟厥
緒雖曰無讟時不我已同心離事乃有逝止橫此大江
淹彼南汜我思弗及載坐載起惟彼南汜君子居之悠
悠我心薄言慕之人亦有言靡日不思矧伊嬋婉胡不
悽而晨風夕逝託與之期瞻仰王室慨其永歎良人在

外誰佐天官四國方阻俾爾歸藩爾之歸藩作式下國
無曰蠻裔不虔汝德慎爾所主率由嘉則龍雖勿用志
亦靡忒悠悠澹澹鬱彼唐林雖則同域邈其迴深白駒
遠志古人所箴允矣君子不遐厥心既往既來無密爾
音

贈文叔良

搜神記曰文穎字叔良
南陽人為荊州從事

翩翩者鴻率彼江濱君子于征爰聘西隣臨此洪渚伊

思梁岷爾行孔邈如何勿勤君子敬始慎爾所主謀言
必賢錯說申輔延陵有作僑盼是與先民遺跡來世之
矩既慎爾主亦迪知幾探情以華覩著知微視明聰聰
靡事不惟董褐荷名胡寧不師衆不可蓋無尚我言梧
宮致辯齊楚構患成功有要在衆思歡人之多忌掩之
實難膽彼黑水滔滔其流江漢有卷允來厥休二邦若
否職汝之由緬彼行人鮮克弗留尚哉君子異于他仇
人誰不勤無厚我憂惟詩作贈敢詠在舟

思親詩

為潘文則作

摯虞文章流別云王粲所與蔡子篤及文叔良士孫文始揚德祖詩及為潘文則作思親詩其文富而整皆近乎雅矣

贈楊修詩今亡

穆穆顯

初學記作皇

妣德音徽止思齊先姑志侔姜如躬此

勞瘁鞠予小子小子之生遭世罔寧烈考勤時從之于

征奄邁不造殷憂是嬰咨于靡及退守祧祫五服荒離

四國分爭禍難斯逼救死於頸嗟我懷歸弗克弗逞聖

善獨勞莫慰其情春秋代逝于茲九齡緬彼行路馬託

予誠予誠既否委之于天庶我顯一作剛妣克保遐年亶

亶惟懼心乎如懸如何不弔早世徂顛於存弗養於後
弗臨遺愆在體慘痛切心形景尸立魂與飛沈在昔蓼
莪哀有餘音我之此譬憂其獨深胡寧視息以濟于今
巖巖叢險則不可摧仰瞻歸雲俯聆飄回飛馬靡翼超
焉靡階思若流波清似坻頽詩之作矣情以告哀

公讌詩

昊天降豐澤百卉挺歲蕤涼風撤蒸暑清雲却炎暉高

會君子堂竝坐蔭華掾嘉肴充圓方旨酒盈金罍管絃
發徽音曲度清且悲合坐同所樂但慙栝行遲常聞詩
人語不醉且無歸今日不極歡含情欲待誰見眷良不
翅守分豈能違古人有遺言君子福所綏願我賢主人
與天享巍巍克符周公業奕世不可追

從軍詩五首

樂府作
從軍行

魏志曰建安二十年三月公西征張魯魯及五子
降十二月至自南鄭是行也侍中王粲作五言詩
以美其事

從軍有苦樂但問所從誰所從神且武焉得久勞師相
公征關右赫怒震天威一舉滅獯虜再舉服羌夷西收
邊地賊忽若俯拾遺陳賞越丘山酒肉踰川坻軍中多
沃饒人馬皆溢肥徒行兼乘還空出有餘資拓地三千
里往返一如飛歌舞入鄴城所願獲無違晝日處大朝
日暮薄言歸外參時明政內不廢家私禽獸憚為犧良
苗實已揮竊慕負鼎翁願厲朽鈍姿不能效沮溺相隨
把鋤犁熟覽夫子詩信知所言非

涼風厲秋節司典告詳刑我君順時發桓桓東南征汎

舟盖長川陳卒被隰垌征夫懷親戚誰能無戀情拊衿

倚舟檣眷眷思鄴城哀彼東山人喟然感鸛鳴日月不

安處人誰獲恒

善作常

寧昔人從公旦一徂輒三齡今我

神武師暫往必速平棄余親睦恩輸力竭忠貞懼無一

夫用報我素餐誠夙夜自忤

普庚反

性思逝若抽縈將秉

先登羽豈敢聽金聲

建安二十二年黎從曹公征吳此下四首盖征吳作也

從軍征遐路討彼東南夷方舟順廣川薄暮未安抵白

日半西山桑梓有餘暉蟋蟀夾岸鳴孤鳥翩翩飛征夫

心多懷悽

善本作惻

愴令吾悲下船登高防草露霑我衣迴

身赴牀寢此愁當告誰身服干戈事豈得念所私即戎
有授命茲理不可違

朝發鄴都橋暮濟白馬津道遙河堤上左右望我軍連
舫踰萬艘帶甲千萬人率彼東南路將定一舉勲籌策
運帷幄一由我聖君恨我無時謀譬諸具官臣鞠躬中
堅內微晝無所陳許歷為完士一言猶善作獨敗秦我有

素餐責誠愧伐檀人雖無鉛刀用庶幾奮薄身

悠悠涉荒路靡靡我心愁四望無煙火但見林與丘城

郭生榛棘蹊徑無所由桓蒲竟廣澤葭葦夾長流日

夕涼風發翩翩漂吾舟寒蟬在樹鳴鸛鵲摩天游客子

多悲傷淚下不可收朝入譙郡界曠然消人憂雞鳴達

四境黍稷盈原疇館宅克鄧里士女滿莊五臣作仇自

非賢聖國誰能享斯休詩人美樂土雖客猶願留

詠史詩

自古無殉死達人所共知秦穆殺三良惜哉空爾為結
髮事明君受恩良不訾臨沒要之死焉得不相隨妻子
當門泣兄弟哭路陞臨穴呼蒼天涕下如縷縻人生各
有志終不為此移同知埋身劇心亦有所施生為百夫
雄死為壯士規黃鳥作哀詩至今聲不虧

雜詩

日暮遊西園冀寫

一作
寫我

憂思情曲池揚素波列樹敷丹

榮上有特棲鳥懷春向我鳴褰袵欲從之路險不得征

徘徊不能去佇立望爾形風飈揚塵起白日忽已冥回
身入空房託夢通精誠人欲天不違何懼不合并

雜詩四首

吉日簡清時從君出西園方軌策良馬竝驅厲中原北
臨清漳水西看柏陽山回翔遊廣囿逍遙波水間

列車息衆駕相伴綠水湄幽蘭吐芳烈芙蓉發紅暉百
鳥何續翻振翼羣相追投網引潛魚

藝文
作鯉

強弩下高飛

白日已西邁歡樂忽忘歸

聯翻飛鸞鳥獨遊無所因毛羽照野草哀鳴入層雲我
尚假羽翼飛覩爾形身願及春陽會交頸邁殷勤
鷲鳥化為鳩遠竄江漢邊遭遇風雲會託身鸞鳳間天
姿既否戾受性又不閑邂逅見逼迫俛仰不得言

七哀詩三首

西京亂無象豺虎方遘患復棄中國去委身適荆蠻親
戚對我悲朋友相追攀出門無所見白骨蔽平原路有
饑婦人抱子棄草間顧聞號泣聲揮涕獨不還未知身

死處何能兩相完驅馬棄之去不忍聽此言南登霸陵
岸回首望長安悟彼下泉人喟然傷心肝

荆蠻非我鄉何為久滯淫方舟沂大江日暮愁我心山
岡有餘映巖阿增重陰狐狸馳赴穴飛鳥翔故林流波
激清響猴猿臨岸吟迅風拂裳袂白露沾衣襟獨夜不
能寐攝衣起撫琴絲桐感人情為我發悲音羈旅無終
極憂思壯難忍

邊城使心悲昔吾親更之冰雪截肌膚風飄無止期百

里不見人草木誰當遲

與治同
平聲

登城望亭隧翩翩飛成

旗行者不顧反出門與家辭子弟多俘虜哭泣無已時
天下盡樂土何為久留茲蓼蟲不知辛去來勿與諮

古詩紀卷二十五

欽定四庫全書

古詩紀卷二十六

明 馮惟訥 撰

魏第六

陳琳

字孔璋廣陵人避難冀州袁紹使典文章袁氏敗後歸太祖太祖使琳與阮瑀竝為司空軍謀

祭酒管記室軍國書檄多琳瑀所作也徙門下督

飲馬長城窟行

飲馬長城窟水寒傷馬骨往謂長城吏慎莫稽留太原卒官作自有程舉築諧汝聲男兒寧當格鬪死何能怫

鬱築長城長城何連連連連三千里邊城多健少

玉臺作兒

內舍多寡婦作書與內舍便嫁莫畱住善侍新姑嫜時

時念我故夫子報書往

一作與

邊地君今出語一何鄙身

在旣難中何為稽留他家子生男慎莫舉生女哺用脯

君獨不見長城下死人骸骨相撐拄結髮行事君慙慙

心意關

一作問

明知邊地苦賤妾何能久自全

遊覽二首

高會時不娛羈客難為心殷懷從中發悲感激清音投

觴罷歡坐逍遙步長林肅肅山谷風默默一作天路陰

惆悵忘旋反歔歔涕沾襟一作巾

節運時氣舒秋風涼且清閑居心不娛駕言從友生翱
翔戲長流逍遙登高城東望看疇野迴顧覽園庭嘉木
凋綠葉芳草纖紅榮騁哉日月逝年命將西傾建功不
及時鐘鼎何所銘收念還房寢慷慨詠墳經庶幾及君
在立德垂功名

宴會

凱風飄陰雲白日揚素暉良友招我遊高會宴中闈玄
鶴浮清泉綺樹煥青蕤

闕

徐幹

字偉長北海人為司空軍謀
祭酒掾屬五官中郎將文學

答劉公幹詩

與子別無幾所經未一旬我思一何篤其愁如三春雖
路在咫尺難涉如九關陶陶諸夏別草木昌且繁

情詩

高殿鬱崇崇廣厦淒泠泠微風起閨闥落日照階庭踟

踟雲屋下笑歌倚華楹君行殊不返我飾為誰榮鑪薰
闔不用鏡匣上塵生綺羅失常色金翠暗無精嘉肴既
忘御旨酒亦常停顧瞻空寂寂唯聞燕雀聲憂思連相
屬中心如宿酲

室思

人靡不有初想君能終之別來歷年歲舊恩何可期重
新而忘故君子所猶譏寄身雖在遠豈忘君須臾既厚
不為薄想君時見思

襍詩五首

沈陰結愁憂愁憂為誰興
念與君相別各在天一方
良會未有期中心摧且傷
不聊憂食食慙慙常饑空
端坐而無為鬚髯君容光

峩峩高山首悠悠萬里道
君去日已遠鬱結令人老
人生一世間忽若暮春草
時不可再得何為自愁惱
每誦昔鴻恩賤軀焉足保

浮雲何洋洋願因通我詞
飄飄不可寄徒倚徒相思
人

離皆復會君獨無返期自君之出矣明鏡暗不治思君如流水何有窮已時

慘慘時節盡蘭華凋復零喟然長歎息君期慰我情展轉不能寐長夜何綿綿躡履起出戶仰觀三星連自恨志不遂泣涕如涌泉

思君見巾櫛以益我勞動安得鴻鸞羽觀此心中人誠心亮不遂搔首立悁悁何言一不見復會無因緣故然比目魚今隔如參辰

為挽船士與新娶妻別

藝文作徐幹玉臺作魏文帝題云清河見挽船

士新婚與

妻別作

與君結新婚宿昔當別離涼風動秋草蟋蟀鳴相隨
冽寒蟬吟蟬吟抱枯枝枯枝時飛揚身體忽遷移不悲
身遷移但惜歲月馳歲月無窮極會合安可知願為雙
黃鵠比翼戲清池

劉楨

字公幹東平人太祖辟為丞相掾屬太子嘗宴諸文學酒酣命夫人甄氏出拜坐中咸伏楨獨

平視太祖聞之乃收治臯減死輸作署吏建安二十二年卒

魏文帝曰公幹有逸氣但未遒耳至

五言詩之善者妙絕時倫詩品曰楨詩其源出於古詩仗氣愛奇動多振絕真骨凌霜高風跨俗但氣過其文雕琢恨少然自思王以下楨稱獨步

公讌詩

永日行遊戲歡樂猶未央遺思在玄夜相與復翱翔輦車飛素蓋從者盈路傍月出照園中珍木鬱蒼蒼清川過石渠流陂為魚防芙蓉散其華菡萏溢金塘靈鳥宿水裔仁獸遊飛梁華館寄流波豁達來風涼生平未始聞歌之安能詳投翰長歎息綺麗不可忘

贈五官中郎將四首

昔我從元后整駕至南鄉過彼豐沛都與君共翱翔四
節相推斥季冬風且涼衆賓會廣坐明鐙熒炎光清歌
製妙聲萬舞在中堂金罍含甘醴羽觴行無方長夜忘
歸來聊且為太康四牡向路馳歡悅誠未央

余嬰沈痼疾竄身清漳濱自夏涉玄冬彌曠十餘旬常
恐游岱宗不復見故人所親一何篤步趾慰我身清談
同日夕情盼叙憂勤便復為別辭遊車歸西鄰素葉隨

風起廣路揚埃塵逝者如流水哀此遂離分追問何時
會要我以陽春望慕結不解貽爾新詩文勉哉修令德
北面自寵珍

秋日多悲懷感慨以長歎終夜不遑寐叙意於濡翰明
燈曜閨中清風淒已寒白露塗前庭應門重其關四節
相推斥歲月忽欲殫壯士遠出征戎事將獨難泣涕灑
衣裳能不懷所歡

涼風吹沙礫霜氣何皚皚

五未切

明月照緹幕華燈散炎

輝賦詩連篇章極夜不知歸君侯多壯思文雅縱橫飛
小臣信頑鹵僂安能追

贈徐幹

誰謂相去遠隔此西掖垣拘限清切禁中情無由宣思
子沈心曲長歎不能言起坐失次第一日三四還步出
北寺門遙望西苑園細柳夾道生方塘含清源輕葉隨
風轉飛鳥何翻翻乖人易感動涕下與衿連仰視白日
光皦皦高且懸兼燭八紘內物類無頗偏我獨抱深感

不得與比焉

贈從弟三首

汎汎東流水，磷磷水中石。
蘋藻生其涯，華葉紛擾溺。
來之薦宗廟，可以羞嘉客。
豈無園中葵，懿此出深澤。

亭亭山上松，瑟瑟谷中風。
風聲一何盛，松柏一何勁。
冰霜正慘悽，終歲常端正。
豈不罹凝寒，松柏有本性。

鳳凰集南嶽，徘徊孤竹根。
於心有不厭，奮翅凌紫氛。
豈不常勤苦，羞與黃雀羣。
何時當來儀，將須聖明君。

襍詩

職事相

一作頻

填委文墨紛消散馳翰未暇食日昃不知

晏沈迷簿領書回回自昏亂釋此出西城登高且遊觀
方塘含白水中魚與鴈安得肅肅羽從爾浮波瀾

關雞

丹雞被華采雙距如鋒芒願一揚炎威會戰此中唐利
爪援玉除瞋目含火光長翹驚風起勁翮正敷張輕舉
奮勾喙電擊復還翔

射鳶

鳴鳶弄雙翼飄飄薄青雲
我后橫怒起意氣凌神仙
發機如驚焱三發兩鳶連
流血灑牆屋飛毛從風旋
庶士同聲贊君射一何妍

失題二首

見藝文類木部

昔君錯畦時東土有素木
條柯不盈尋一尺再三曲
隱生寘翳林倥偬自迫束
得託芳蘭苑列植高山足

闕

二

藝文草部

青青女蘿草上依高松枝幸蒙庇養恩分惠不可貲風
雨雖急疾根株不傾移

闕

古詩紀卷二十六

欽定四庫全書

古詩紀卷二十七

明 馮惟訥 撰

魏第七

應瑒

字德璉汝南人漢泰山太守劭之從子也魏太祖辟為丞相掾屬轉平原侯庶子後為五官中

郎將文學建安

二十二年卒

報趙淑麗

一作報趙叔嚴

朝雲不歸夕結成陰離羣猶

疑作獨

宿永思長吟有鳥孤

棲哀鳴北林嗟我懷矣感物傷心

公讌

巍巍主人德佳會被四方開館延羣士置酒于斯堂辨
論釋鬱結援筆興文章穆穆衆君子好合同安康促坐
褰重帷傳滿騰羽觴

侍五官中郎將建章臺集詩

朝鴈鳴雲中音響一何哀問子遊何鄉戢翼正徘徊言
我塞門來將就衡陽棲往春翔北土今冬客南淮遠行
蒙霜雪毛羽日摧頽常恐傷肌骨身隕沈黃泥簡珠墮

沙石何能中自諧欲因雲雨會濯翼陵高梯良遇不可
值伸眉路何階公子敬愛客樂飲不知疲和顏既已暢
乃肯顧細微贈詩見存慰小子非所宜且為極歡情不
醉其無歸凡百敬爾位以副饑渴懷

別詩二首

朝雲浮四海日暮歸故山行役懷舊土悲思不能言悠
悠涉千里未知何時旋

浩浩長河水九折東北流晨夜赴滄海海流亦何抽遠

適萬里道歸來未有由臨河累

一作竟

太息五內懷傷憂

關雞

戚戚懷不樂無以釋勞動兄弟游戲場命駕迎衆賓二
部分曹伍羣雞煥以陳雙距解長綵飛踊超敵倫芥羽
張金距連戰何繽紛從朝至日夕勝負尚未分專場驅
衆敵剛捷逸等羣四坐同休贊賓主懷悅欣博奕非不
樂此戲世所珍

應璩

字休璉場之弟博學好屬文明帝時歷官散騎
常侍齊王即位稍遷侍中大將軍長史曹典多

違法度璩為詩以諷焉其言雖頗諧然多切時要
後為侍中典著作嘉平四年卒詩品曰璩詩祖
襲魏文善為古語指事殷勤雅意深篤得詩人
激刺之旨至於濟濟今日所華靡可諷詠焉

百一詩三首

下流不可處君子慎厥初名高不宿著易用受侵誣前
者隳官去有人適我閭田家無所有酌醴焚枯魚問我
何功德三入承明廬所占於此土是謂仁智居文章不
經國筐篋無尺書用等稱才學往往見歎譽避席跪自
陳賤子實空虛宋人遇周客慙媿靡所如

年命在桑榆東岳與我期長短有常會遲速不得辭斗
酒多為樂無為待來茲室廣致凝陰臺高來積陽奈何
季世人侈靡在宮牆飾巧無窮極土木被朱光徵求傾
四海雅意猶未康

子弟可不慎慎在選師友師友必長德中才可進誘

闕

丹陽集曰楚國先賢傳言應璩作百一詩識切時事
徧以示在事者皆怪愕以為應璩棄之及觀文選所
載璩百一篇畧不及時事又郭茂倩備體詩載百一
詩五篇皆璩所作首篇言馬子侯解音律而以陌上
桑為鳳將雛二篇傷翳桑二老無以葬妻子而已無
宣孟之德可以矜其急三篇言老人自知桑榆之景

斗酒自勞不肯為子孫積財末篇即文選所載是也
第四篇似有風諫所謂苟欲娛耳目快心樂腹腸我
躬不悅歡安能慮死亡此豈非所謂應焚棄之詩乎
方是時曹與事多違法璩為典長史切諫其失如此
所謂百一者庶幾百
分有一補於典也

雜詩三首

廣文選作應場今
依藝文作應璩

細微可不慎隄潰自蟻穴

一作隙

腴理蚤從事安復勞鍼

石哲人覩未形愚夫闇明白曲突不見賓焦爛為上客

思願獻良規江海倘不逆狂言雖寡善猶有如雞跖

一作

肋雞跖食不已齊王為肥澤

散騎常師友朋

疑作朝

夕進規獻侍中主喉舌萬機無不

亂尚書統庶事官人秉

疑作秉

法憲彤管弭納言貂璫表

武弁出入承明廬車服一何煥三寺齊榮秩百僚所瞻

願

以下二首見藝文

少壯面目澤長老顏色麤麤醜人所惡拔白自洗蘇

關

三叟

古有行道人陌上見三叟年各百餘歲相與鋤耒耨住
車問三叟何以得此壽上叟前致辭室中婦麤醜中叟

前致辭量腹節所受下叟前致辭夜卧不覆首要哉三
叟言所以能長久

應瑗

唐藝文志有
應瑗志十卷

襍詩

見初
學記

貧子語窮兒無錢可把撮耕自不得粟采彼北山葛簞
瓢恒自在無用相呵唱

阮瑤

字元瑜陳留人少受學於蔡邕曹操辟為司空
軍謀祭酒管記室後為倉曹掾屬建安十七年

卒

駕出北郭門行

駕出北郭門馬樊不肯馳下車步踟躕

一作踟躕

仰折枯楊

枝顧聞丘林中噉噉有悲啼借問啼者出何為乃如斯
親母舍我歿後母憎孤兒饑寒無衣食舉動鞭撻施骨
消肌肉盡體若枯樹皮藏我空室中父還不能知上冢
察故處存亡永別離親母何可見淚下聲正嘶棄我于
此間窮厄豈有貴傳告後代人以此為明規

琴歌

魏書曰太祖雅聞瑀名辟之不應乃逃入山中太祖使人焚山得瑀太祖時征長安大延賓客怒瑀不與語使就技人到瑀善解音能鼓琴撫絃而歌為曲既捷音聲殊妙太祖大悅

奕奕天門開大魏應期運青蓋巡九州在東西人怨士為知己死女為悅者玩恩義苟潛暢他人焉能亂

詠史詩二首

誤哉秦穆公身沒從三良忠臣不違命隨軀就死亡低頭闕墻戶仰視日月光誰謂此何處恩義不可忘路人為流涕黃鳥鳴高桑

燕丹養勇士荆軻為上賓圖擢盡匕首長驅西入秦素
車駕白馬相送易水津漸離擊筑歌悲聲感路人舉坐
同咨嗟嘆氣若青雲

襍詩二首

臨川多悲風秋日苦清涼客子易為戚感

一作對

此用哀

傷攬衣起躑躅上觀心與房三星守故次明月未收光
雞鳴當何時朝晨尚未央還坐長歎息憂憂安可忘

我行自凜秋季冬乃來歸置酒高堂上友朋集光輝念

當復離別涉路險且夷思慮益惆悵淚下沾裳衣

七哀詩

丁年難再遇富貴不重來良時忽一過身體為土灰冥

冥九泉室漫漫長夜臺身盡氣力索精魂靡所能

今本作迴

嘉穀設不御旨酒盈觴杯出壙望故鄉但見蒿與萊

隱士

四皓潛南岳老萊竄河濱顏回樂陋巷許由安賤貧伯夷餓首陽天下歸其仁何患處貧苦但當守明真

苦雨

苦雨滋玄冬引日彌且長丹墀自殲殪深樹猶沾裳客
行易感悴我心摧已傷登臺望江沔陽侯沛洋洋

失題

藝文
老部

白髮隨櫛墮未寒思厚衣四支易懈倦行步益踈遲常
恐時歲盡魂魄忽高飛自知百年後堂上生旅葵

公讌

見初
學記

陽春和氣動賢主以崇仁布惠綏人物降愛常所親上

堂相娛樂中外奉時珍五味風雨集杯酌若浮雲

闕

怨詩

民生受天命漂若河中塵雖稱百齡壽孰能應此身猶

獲嬰凶禍流落

一作流離

恒苦心

闕

繆襲

字熙伯東海蘭陵人有才學多所敘述官至侍中尚書光祿勳文章志曰襲辟御史大夫府歷

事魏四世正

始六年辛

魏鼓吹曲十二首

楚之平

晉書樂志曰改漢朱鷺為楚之
平言魏也古今樂錄作初之平

楚之平義兵征神武奮金鼓鳴邁武德揚洪名漢室微
社稷傾皇道失桓與靈閭官熾羣雄爭邊韓起亂金城
中國擾無紀經赫武皇起旗旌麾天下天下平濟九州
九州寧創武功武功成越五帝邈三王興禮樂定紀綱
普日月齊輝光

戰滎陽

改漢思悲翁為戰
滎陽言曹公也

戰滎陽汴水陂戎士憤怒貫甲馳陣未成退徐榮二萬
騎塹壘平戎馬傷六軍驚勢不集衆幾傾白日沒時晦
冥顧中牟心屏營同盟疑計無成賴我武皇萬國寧

獲呂布

改漢艾如張為獲呂布言曹
公東圍臨淮生擒呂布也

獲呂布戮陳宮芟夷鯨鯢驅騁羣雄囊括天下運掌中

克官渡

改漢上之回為克官渡言曹
公與袁紹戰破之於官渡也

克紹官渡由白馬僵屍流血被原野賊衆如犬羊王師
尚寡沙塹傍風飛揚轉戰不利士卒傷今日不勝後何
望土山地道不可當卒勝大捷震冀方屠城破邑神武
遂章

舊邦

改漢蒯離為舊邦言曹公勝袁紹
於官渡還譙收藏死士卒也

舊邦蕭條心傷悲孤魂翩翩當何依遊士戀故涕如摧
兵起事大令願違傳求親戚在者誰立廟置後魂來歸

定武功

改漢戰城南為定武功言曹公初破鄴城武功之定始乎此也

定武功濟黃河河水湯湯旦暮有橫流波袁氏欲哀兄
弟尋干戈決漳水水流滂沱嗟城中如流魚誰能復顧
室家計窮慮盡求來連和和不時心中憂戚賊衆內潰
君臣奔北拔鄴城奄有魏國王業艱難覽觀古今可為
長歎

屠柳城

改漢巫山高為屠柳城言曹公越北塞歷白檀破三郡烏桓於柳城也

屠柳城功誠難越度隴塞路漫漫北踰岡平但聞悲風
正酸蹋頓授首遂登白狼山神武懋海外永無北顧患

平南荆

改漢上陵為平南荆
言曹公南平荆州也

南荆何遠遼江漢濁不清菁茅久不貢王師赫南征劉
琮據襄陽賊備屯樊城六軍廬新野金鼓震天庭劉子
面縛至武皇許其成許與其成撫其民陶陶江漢間普

為大魏臣大魏臣向風思自新思自新齊功古人在昔
虞與唐大魏得與均多選忠義士為喉脣天下一定萬
世無風塵

平關中

改漢將進酒為平關中言
曹公征馬超定關中也

平關中路向潼濟濁水立高墉關韓馬離羣凶選驍騎
縱兩翼虜崩潰級萬億

應帝期

改漢有所思為應帝期言文
帝以盛德受命應運期也

應帝期於昭我文皇歷數承天序龍飛自許昌聰明昭
四表恩德動遐方星辰為垂耀日月為重光河洛吐符
瑞草木挺嘉祥麒麟步郊野黃龍游津梁白虎依山林
鳳凰鳴高岡考圖定篇籍功配上古義皇義皇無遺文
仁聖相因循期運三千歲一生聖明君堯授舜萬國萬
國皆附親四門為穆穆教化常如神大魏興聖與之為

鄰

邕熙

改漢芳樹為邕熙言魏氏臨其國君臣邕穆庶績咸熙也

邕熙君臣念德天下治登帝道獲瑞寶頌聲竝作洋洋
浩浩吉日臨高堂置酒列名倡歌聲一何紆餘襍笙簧
八音諧有紀綱子孫永建萬國壽考樂無央

太和

改漢上邪為太和言明帝繼體承統太和改元德澤流布也

惟太和元年皇帝踐祚聖且仁德澤為流布災蝗一時

為絕息上天時雨露五穀滋

宋書作滋

田疇四民相率遵軌

度事務激清天下獄訟察以情元首明魏家如此那得

不太平

挽歌

生時遊國都死沒棄中野朝發高堂上暮宿黃泉下白日入虞淵懸車息駟馬造化雖神明安能復存我形容稍歇滅齒髮行當墮自古皆有然誰能離此者

繁欽

字休伯文才機辨少得名於汝穎為丞相主簿建安二十三年卒

贈梅公明詩

瞻我北園有條者桑遘此春景既茂且長
氤氲吐葉柔潤有光黃條蔓衍青鳥來翔
日月其邁時不可忘公子瞻旃勲名乃彰

遠戍勸戒詩

肅將王事集此揚土凡我同盟既文既武
郁郁桓桓有規有矩務在和光同塵共垢
各竟其心為國蕃輔閭閻行行一作衍
非法不語可否相濟闕則云補

蕙詠

蕙草生山北托身失所依植根陰崖側夙夜懼危顛寒
泉浸我根淒風常徘徊三光照八極獨不蒙餘暉葩葉
永彫悴凝露不暇晷百草一作卉皆含榮已獨失時姿比
我英芳發鶻鳴已哀

定情詩

我出東門遊邂逅承清塵思君即幽房侍寢執衣巾時
無桑中契迫此路側人我既媚君姿君亦悅我顏何以

致拳拳綰臂雙金環
何以致殷勤約指一雙銀
何以致區區耳中雙明珠
何以致叩叩香囊繫肘後
何以致契闊繞腕雙跳脫
何以致結恩情美玉綴羅纓
何以致結中心素縷連雙鍼
何以結相於一作投金薄畫搔頭
何以慰別

離耳後瑤瑁釵
何以答歡悅紈素三條裾
何以結愁悲白綃雙中衣
與我期何所乃期東山隅
日旰兮不來谷風吹我襦
遠望無所見涕泣起踟躕
與我期何所乃期山南陽
日中兮不來飄風吹我裳
逍遙莫誰覩望君愁

我腸與我期何所乃期西山側日夕兮不來躑躅長歎
息遠望涼風至俯仰正衣服與我期何所乃期山北岑
日暮兮不來淒風吹我襟望君不能坐悲苦愁我心愛
身以何為惜我華色時中情既欸欸然後尅密期褰衣
躡茂草謂君不我欺廁此醜陋質徙倚無所之自傷失
所欲淚下如連絲

槐樹詩

嘉樹吐翠葉列在雙闕涯旖旎隨風動柔色紛陸離

闕

襟詩

世俗有險易時運有盛衰老氏和其光蘧瑗貴可懷

關

吳質

字季重濟陰人以文才為文帝所善官至振威將軍假都督河北諸軍事封列侯太和四年入

為侍中卒

謚曰威侯

思慕詩

文章叙錄曰文帝崩

吳質思慕作詩云

愴愴懷殷憂殷憂不可居徙倚不能坐出入步踟躕念
蒙聖主恩榮爵與眾殊自謂永終身志氣甫當舒何意

中見棄棄我就黃壚斃斃靡所恃淚下如連珠隨沒無
所益身死名不書慷慨自俛仰庶幾烈丈夫

邯鄲淳

一名竺字子淑博學有才初平時從三輔客

荆州荆州内附太祖素聞其名召見甚敬異之時五官將博延英儒因啓淳欲使在文學會臨

舊侯植亦求淳太祖遣淳詣植黃初初以淳為博

士給事中

答贈詩

我受上命來隨臨舊與君子處曾未盈期見召奉朝駕
言趣期羣子重離首命于時餞我路隅贈我嘉辭既受

德音敢不答之余惟薄德既局且鄙見養賢侯於今四
祀既底西伯永誓沒齒今也被命義在不俟瞻戀我侯
又慕君子行道遲遲體逝情止豈無好爵懼不我與聖
主受命千載一遇攀龍附鳳必在初舉行矣去矣別易
會難自強不息人誰獲安願子大夫勉簣成山天休方
至萬福爾臻

杜摯

字德魯河東人初署司徒軍謀
吏後舉孝廉除郎中轉補校書

贈母邱儉

文章叙錄曰摯與母邱儉鄉里相親故為詩與儉求仙人藥一九欲以相感切儉求助也儉答以詩然摯竟不得遷卒于祕書

騏驥馬不試婆娑槽檻間壯士志未伸坎軻多辛酸伊摯為媵臣呂望身操竿夷吾困商販甯戚對牛歎食其處監門淮陰飢不餐買臣老負薪妻叛呼不還釋之官十年位不增故官才非八子倫而與齊其患無知不在此表蓋未有言被此萬病久榮衛動不安聞有韓衆藥信來給一丸

贈母邱荊州

載初學記

鵠飛舉萬里一飛翬
昊蒼翔高志難得離鴻失所望

母邱儉

字仲恭河東聞喜人初為平原侯文學累遷荊州刺史徙幽州刺史討公孫淵定遼東進

封安邑侯高句驪數侵叛儉討之有功遷鎮東將軍都督揚州與揚州刺史文欽矯太后詔討大將軍司馬師兵敗遇害

答杜摯

鳳鳥翔京邑哀鳴有所思
才為聖世出德音何不怡
八子未際遇今者遭明時
胡康出壠畝楊偉無根基
飛騰

冲雲天奮迅協光熙駿驥骨法異伯樂觀知之但當養
羽翮鴻舉必有期體無纖微疾安用問良醫聯翩輕栖
集還為燕雀嗤此四句疑錯互韓衆藥雖良恐便不能治悠悠
千里情薄言答嘉詩信心感諸中中賞不在辭

何晏

字平叔南陽宛人尚主又好色故黃初時無所
事任正始中曹奐用為中書主選舉宿舊者多

得濟拔為司

馬宣王所誅

擬古

名士傳曰是時曹奐輔政識者慮有危機晏有重
名與魏姻戚內雖懷憂而無復退也著五言詩以

言志

雙鶴

世說作鴻鵠

比翼遊羣飛戲太清常恐失

世說作入

網羅憂

禍一旦并豈若集五湖順流唼浮萍逍遙放志意

世說作永

寧贍中懷

何為怵惕驚

失題

見初學萍部

轉蓬去其根流飄從風移芒芒四海涂悠悠焉可彌願
為浮萍草託身寄清池且以樂今日其後非所知

左延年

晉書樂志曰黃初中左延年以新聲被寵

秦女休行

步出上西門遥望秦氏廬秦氏有好女自名為女休休

一作始

年十四五為宗行報讐左執白楊刃右據宛魯矛

讐家便東南仆僵秦女休女休西上山上山四五里關

吏呵問女休女休前置

一作致

詞平生為燕王婦於今為

詔獄囚平生衣參差當今無領襦明知殺人當死兄言

怏怏弟言無道憂女休堅詞為宗報讐死不疑殺人都

市中徼我都巷西丞卿羅

一作列字

東向坐女休悽悽曳枯

前兩徒夾我持刀刀五尺餘刀未下腫臃擊鼓赦書下

從軍行

古今樂錄曰王僧虔云荀錄所載左延年苦哉一篇今不傳

苦哉邊地人一歲三從軍三子到燉煌二子詣隴西五

子遠關去五婦皆懷身

關

又

見初學記

從軍何等樂一驅乘雙駃鞍馬照人白龍驤自動作

程曉

字李明衛尉安鄉侯昱之孫以祖功分封列侯嘉平中為黃門侍郎遷汝南太守古文苑作

晉人

贈傅休奕詩

粦粦獨夫寂寂靜處酒不盈觴有不掩俎厥客伊何許

由巢父厥醴伊何玄酒瓠脯

闕

又贈傅休奕

三光飛景玉衡代邁龍集甲子四時成歲權輿授代除

陳蕩穢元服初嘉萬福咸會赫赫應門嚴嚴朱闕羣后

揚揚庭燎晷晷

闕

嘲熱客

平生三伏時道路無行車閉門避暑卧出入不相過今

世一作只今褊褊子觸熱到人家主人聞客來顰蹙奈此何

謂當起行去安坐正咨嗟歲時作所說無一急嗜嗒一

何多疲瘵向之久甫問君極那搖扇髀中疾一作痛流汗

正滂沱莫謂為小事亦是一大瑕傳戒諸高明熱行宜

見呵

秦宓

遠遊

遠遊何所見所見邈難紀巖穴非我鄰林麓無知己虎則豹之兄鷹則鷂之弟困獸走環岡飛鳥驚巢起猛氣何咆厲陰風起千里遠遊長太息太息遠遊子

焦先

字孝然河東人也常食白石以分與人熟煮如芋食之日日入山伐薪以施人及魏受禪渭河

之濱結草為菴獨止其中太守董經往視之不肯語經益以為賢或忽老忽少後與人別去不知所適

祝衎歌

高士傳

魏伐吳有竊問隱士焦先先不應謬歌後
魏軍敗人推其意咩羊指吳殺羶指魏也

祝𩚑祝𩚑非魚非肉更相追逐本為殺咩羊更殺殺羶

古詩紀卷二十七